

Dal Consèi de Cùra: al é gnü tigní na **meditaziun** plö lungia y sota te capela por aprofondí la spiritualité de vignun y perié do la forza dl Spirit Sant por nosc sorvisc; che á ince fat bun.

Por la **Vijita dl Vësko** tla Unité Pastorala y te nosta Ploania aspetun ciamó les directives dla Curia da Balsan.

Les **propostes** dl grup liturgich por la Carsëma é gnüdes concretisades y an s'aspeta na miú partezipaziun ala gran Mëssa y Edema Santa.

Sëgn d'aisciöda gnarál metü man cun i **laurs te cortina** por arjigné ca i „**loculi**“ por les urnes pormez al mür ia do la dlijia.

Oferta: jodapé de dlijia ciáfëise la cassëta por l'offerta de Carsëma.

Le KVV dij giulan dl'offerta de 338,98 € che é gnüs ite l'ultima domënia.



En lünesc, ai 27.03.2017 complësc **Nando Irsara** da Coz **83** agn. Le Senioreclub y düta la Comunité ti aoda düte le bun, sanité y benedisciun de Dî.


L'aministrazion dla Ciasa de Palsa “Ojöp Frëinademetz” forma na graduatoria por inciaries da **infermiere/a profesional/a** (7^a ter cualifica funziunala) a tëmp parzial. Les domandes mëss gní presentades anter le 31 de merz 2017. Informaziuns al nr. 0474/524700.

Le Sorvisc ai Jogn adöm ala Uniun dl Teater da La Val mët a jí chësc isté n **proiet teatral - pedagogich** te cater lingac. A chësc proiet pó tó pert jogn/jones dla Val Badia dai 15 ai 25 agn. La rejia é de Barbara Rottensteiner Comploi. Les iscriziuns é debann y vëgn tutes sö cina ai 30 de merz 2017 sön www.proiec.org. Infos dá le Sorvisc al nr.0474-523070.

Sëra de informaziun sura le jüch y la fortüna: ala vëgn portada dant da Giuditta Sereni dl Forum Prevenziun da Balsan ai 30 de merz dales 20:00 tla scora mesana da La Ila. Le Consèi de Formaziun dl Comun de Badia inviëia düc y dandüt i geniturs che á mituns.

Les iscriziuns ala Scora de musiga por l'ann de scora 2017/18 vëgn tutes sö sëgn de merz. I formulars ciafon tl secretariat dla Scora de Musiga o sot a www.musikschule.it. Informaziuns al nr. 0471/847748.

● *Jodapé de dlijia ciáfëise i pici libri cun le program de formaziun culturala aisciöda-isté 2017 dá fora dal Sorvisc Formaziun Val Badia* ●



Plata dla Ploania

Badia

San Iaco - San Linert

Ploan: **Siur Iaco Wendelin Willeit**

Calonia Badia: **0471/839571**

E-Mail: parrocchiabadia@libero.it

Radio dla Ploania: **91,10 Mhz**

UNITÉ PASTORALA



www.unitepastorala.org

Ann „A“

26.03 - 02.04.2017

4^a Domënia de Carsëma

n. 18



**Le Signur
m'á unt i ödli;
i sun jü y m'á lavé
y sëgn vëighi.**

Vangelo della prossima domenica - 5^a di Quaresima „A“ Gv. 11,3-7, 17-27

In quel tempo, le sorelle di Lazzaro mandarono a dire a Gesù: «Signore, ecco, colui che tu ami è malato». All'udire questo, Gesù disse: «Questa malattia non porterà alla morte, ma è per la gloria di Dio, affinché per mezzo di essa il Figlio di Dio venga glorificato». Gesù amava Marta e sua sorella e Lazzaro. Quando sentì che era malato, rimase per due giorni nel luogo dove si trovava. Poi disse ai discepoli: «Andiamo di nuovo in Giudea!».

Quando Gesù arrivò, trovò Lazzaro che già da quattro giorni era nel sepolcro. Marta, come udì che veniva Gesù, gli andò incontro; Maria invece stava seduta in casa. Marta disse a Gesù: «Signore, se tu fossi stato qui, mio fratello non sarebbe morto! Ma anche ora so che qualunque cosa tu chiederai a Dio, Dio te la concederà». Gesù le disse: «Tuo fratello risorgerà». Gli rispose Marta: «So che risorgerà nella risurrezione dell'ultimo giorno». Gesù le disse: «Io sono la risurrezione e la vita; chi crede in me, anche se muore, vivrà; chiunque vive e crede in me, non morirà in eterno. Credi questo?». Gli rispose: «Sì, o Signore, io credo che tu sei il Cristo, il Figlio di Dio, colui che viene nel mondo».

FUNZIUNS SACRES

26.03. 4^a DOMÈNIA de CARSEMA / Laetare – “Seminartag”

- 10.00 Mëssa por la Comunità - oferta por le Vinzentinum -
15.00 Via Crucis
18.00 †to siur Alfonso Tasser - aniversar
†to Friedl Valentin - aniversar
†ta Rosa Thaler - aniversar (al cianta le cor Kèrygma)

27.03 Lünesc

- 07.30 Les Laudes

28.03. Mertesc

- 19.30 †ta Angela Costa (dala Uniun dles ëles)
†ti Tasser y Schanung
por fam. Carlo y Waltraud Canins

29.03. Mercui - Mëssa cun i scolars dla elementara

- 07.30 †to Tone Anvidalfarei - aniversar
†to Milio Valentin / aniv. y por fam. Norbert Valentin
†ta Maria Adang Grigoletto - aniversar

30.03. Jöbia - Mëssa cun i crejimá y crejimanc

- 19.30 †ta Nane Granruaz Pitscheider
†ta Maria Saning
por fam. Franz y Hilda Nagler

31.03. Vëndres

- 07.30 †ti Zenz y Jule Sottrovisch - aniversar
por les families Anvidalfarei y D'Urso
por les animes dl purgatore
18.00 Via Crucis (cun le grup “Umes præia deboriada”)

01.04 Sabeda

- 16.00 Mëssa a Oies

02.04. 5^a DOMÈNIA de CARSEMA - ann A

- 10.00 Mëssa por la Comunità
15.00 Via Crucis
18.00 †to Pasquale Piccolruaz - aniversar
†to Lois Frena - aniversar
por fam. Erica Canins y defunc dla familia

Dala VITA dla CÛRA

Confesciuns tl tëmp de Carsëma: vigni domènia dales 17:00 inant y ince sö Oies (dandadüt le vëndres do mëssa) éle ocasiun da se confessé.

Lünesc, ai 3 de aurí: Confesciuns por Pasca cun siur Hans Maneschg: dales 14:30 por les ëles (cun oferta por la uniun dles ëles) y por **düc.**

Lünesc de Carsëma cun siur Degan – sères cun la popolaziun:

Lünesc, ai 27 de merz dales 20:00 te dljia - **spligaziun dla dljia**

Lünesc, ai 03 de aurí dales 14:30 te dljia - **Confesciuns da Pasca**

Lünesc, ai 10 de aurí dales 20:00 te local di ministranc - **Introduziun tl'Edema Santa.**

“Umes præia deboriada” se abina en mercui ai 29 de merz dales 20.00 te calonia. Düc é inviá a tó pert.

“Legio Mariae” inviëia düc en jöbia ai 30 de merz dales 14:00 te calonia por n'ora de oraziun.

Curs de preparaziun al maridé al vëgn organisé dal Sorvisc ai Jogn dai 21 ai 23 de aurí 2017. Les iscriziuns vëgn tutes sö al nr.0474/523070.

Pelegrinaje dles ëles/KfB a Jeo: en sabeda ai 1 de aurí pëiun ia da Tluses dales 14:30 (dales 14:00 proa da cianté tla Pfarrkirche) por jí sö en Jeo olache al sará na liturgia.

“Fá para! A ci podessi pa renunzié ? » L'Unité Pastoral Val Badia inviëia düc a fá deplü fora dla Carsëma. Jon fora da na Parora dl vangeli dla domènia metunse dant edema por edema na proposta concreta por valorisé danü la ligrëza y la speranza liada ala Bona Noela. Les esperiënzes pó gní partides con i atri les publican sön facebook (Gruppe: AktionVerzicht - lo rinuncio) o internet (www.aktion-verzicht.net)



26 de merz - 02 de aurí

“Co esi pa gnüs daurís tü ödli?”

Jan 9,10

Tan gonot ch'i sun adorbá dai massmedia incër nos ia. Chëst'edema proi da filtré les informaziuns y da fá demanco de chisc mesi canche al n'é nia debojëgn.